



Statens vegvesen

Osterøy kommune
5282 LONEVÅG

Behandlande eining:
Region vest

Sakshandsamar/innvalsnr:
Kristina Ebbing Wensaas - 55516805

Vår referanse:
2015/040833-002

Dykkar referanse:
14/2100 - 15/8277

Vår dato:
15.05.2015

Uttale til melding om oppstart av planarbeid og høyring av planprogram - Kommuneplanen sin samfunnsdel for Osterøy kommune - PlanID 12532015002

Vi viser til brev frå Osterøy kommune datert 30.3.2015, med oversending av planprogram for kommuneplanen sin samfunnsdel til uttale.

Statens vegvesen har ansvar for å sjå etter at føringane i Nasjonal transportplan (NTP), statelege planretningslinjer for samordna bustad-, areal og transportplanlegging og andre nasjonale og regionale arealpolitiske føringar vert ivaretekne i planlegginga. I dette brevet uttalar vi oss som forvaltar av fylkesveg på vegne av fylkeskommunen, og som statleg fagstyresmakt med sektoransvar på transportområdet, som til dømes gjeld trafikktryggleik og miljø.

Saka gjeld

Osterøy kommune har kunngjort oppstart av planarbeid for kommuneplanen sin samfunnsdel, og lagt ut planprogram til offentlig ettersyn. Høyringsutgåva av planprogrammet gir ei oversikt over dei største utfordringane Osterøy vil møte i tida framover, og inneheld 8 hovudplantema som skal vere i fokus ved utarbeidinga av kommuneplanen sin samfunnsdel. Under kvart tema er det fleire punktatar som skal vurderast.

Vår uttale til planprogrammet

Planprogrammet omfattar mange vurderingspunkt som inneber Statens vegvesen sine interesseområde, og inneheld mange gode spørsmål som skal svarast på i planarbeidet mot den endelege samfunnsdelen. Statens vegvesen vurderer at desse spørsmåla dekkjer dei viktigaste temaa for det vidare planarbeidet.

Interessa våre kjem inn under fleire av hovudtemaa som er lista opp, blant anna oppvekst, helsefremjande arbeid og arealstrategi. For oss er det viktig at ein prioriterer infrastruktur for gange og sykkel, då dette både fremjar trafikktryggleik og meir miljøvennlig og helsefremjande transportformer. Ei auking i aktive transportformer føreset ei arealutvikling

Postadresse
Statens vegvesen
Region vest
Askedalen 4
6863 Leikanger

Telefon: 02030
Telefaks: 57 65 59 86
firmapost-vest@vegvesen.no
Org.nr: 971032081

Kontoradresse
Spelhaugen 12
5147 FYLLINGSDALEN

Fakturaadresse
Statens vegvesen
Landsdekkende regnskap
9815 Vadsø
Telefon:
Telefaks:

som fører til overkommelege avstandar mellom bustad, arbeid og andre kvardagsaktivitetar. Trygge tilhøve for born, unge og eldre er særskilt viktig.

Arealstrategi


Som hjelpemiddel for å svare på spørsmåla under arealstrategi anbefaler vi at det utarbeidast eit strategisk arealkart som del av planen. Denne vil være nyttig for å illustrere korleis kommunen tenkjer at arealutviklinga skal vere. I tråd med nasjonale og regionale føringar blir det då viktig å unngå spreidd bustadbygging, og heller til dømes bygge ved eksisterande knutepunkt og kollektivtrasear. Der det byggast bør det allereie eksistere god infrastruktur for meir miljøvennlege transportformar.

Som grunnlag for dette arbeidet, i tillegg til føringar som allereie er nemnt i planprogrammet, anbefaler vi å bruke dokument som *Kollektivstrategi for Hordaland og Rammeplan for avkøyrslar og byggjegransar på riks- og fylkesvegar i Region vest 2013-2016*. Statens vegvesen har også utarbeida støyvarselkart for vegstøy langs alle fylkesvegar i Osterøy kommune. Dette kan også vere nyttige å ha i bakhovudet i planarbeidet.

Ved spreidd bustadbygging viser vi til kapittel 9 i den nemnde rammeplanen, kor det står at der kommunen ønskjer å legge til rette for at folk skal få busette seg i sitt opphavelege nærmiljø, bør kommunen gjøre ei vurdering av «*korleis avkøyrslene og plassering av bygningar vil verke inn på arealdisponeringa og befolkningsutvikling i dei ulike delane av kommunen*».

Utover dette har Statens vegvesen ingen særskilte merknadar til planprogramutkastet. Vi vurderer at planprogrammet er tilstrekkelig omfattande og ser fram til eit godt samarbeid i det vidare planarbeidet med kommunen sin samfunnsdel.

Plan- og forvaltningsseksjonen, Bergen
Med helsing



Sindre Lillebø
seksjonssjef



Odd Høydalsvik

Fylkesmannen i Hordaland, Plan- og beredskap, fmhopostmottak@fylkesmannen.no
Hordaland fylkeskommune, Planavdelinga, regional@hfk.no